

程

清止閣詩

乾隆己丑
批閱
之若

愛竹居士

詩十卷

乾隆己丑批閱
之果也

愛竹居士

蘇伊瑣吳子遠李舒章方密之四子序本
錄而弁刪其詩十二以存焉趙子曰
古今論詩之合者於宋得嚴滄浪明得
王元美嚴不具論其說最精然其說亦

詩經

卷一

卷一

自序樂國此天稟樂教音而於不辨絲宮不律

是編也始於庚辰止癸未凡四年舊為二刻有

查伊璜吳子遠李舒章方密之四子序今置不

錄而并刪其詩十二以存焉趙子曰蓋子嘗取

古今論詩之合者於宋得嚴滄浪明得徐昌穀

王元美嚴不具論昌穀最稱深造然所自為不

詩經

愧其言者十可五六元美十可三四止矣夫格
律嚴而境地狹擬議盛而性情薄雖作者亦病
之至於放意背馳侏儒嘈濫以棘晦爲超詣以
踈佻爲亮節又下不足道矣或者堆黃異調訕
諫先括足未履門闕而歷數曲室之藏甚非脩
士所樂聞也夫衆樂殊音而竹不掩絲宮不病

徵八方殊語而閩粵燕秦未嘗不通舟車而洽
友朋之讌笑也陶謝不必爲潘陸李杜不必爲
王駱君子泯其同而慎其異斯可矣予自舞象
學詩至庚辰六七年所服膺如此而才力不足
克之彼四子者又稱道過實至今復十五年披
誦輒掩卷自愧且感後之不加進於昔也雖然

竅受風而成籟不知其近於音也虫蝕木而成
理不知其近於文也響以候變思以境遷故溯
回颺則慕歸雲遵澧浦則懷香草是編之存將
以著其時誌其遇審異同之志而謹於終始若
辭之不逮昌穀元美所猶難也何有於予何有
於予之昔哉

戊戌孟夏十日趙進美韞退題於玉峽

舟中



清止閣詩

其四

北征

籠水趙進美韞退著

庚辰上元發邗中踰月至春明雨雪載途歲又

值閏行李涉春但成凜冽顧山川而興思遵都

邑而起歎遇事成譎語無倫次凡十六首

迢遞望申關蒼茫發楚嶺亂石雜雪明虛崖受風冷

溪轉聞人語濛濛艸樹影燈火遠峰顛鷄鳴發深省

峭利

其二

侵曉出遠郊。嚴冰渡瀨水。日出亂鴉飛。茫茫枯艸裏。積雪市痕殘。空墻烟氣紫。惟喜見人居。逃亡安可指。

其三

荒嶺集衆木。冥冥萬光中。有時回風起。遠近遂不同。微寒僕馬靜。始知亂山空。斷橋飢鳥啼。遙見前溪窮。

其四

依稀遠林杪。時睹深水灣。小舟載餘雪。出沒晨烟寒。

居人爭初月。野鳥聚冰餐。時患多倉徨。誰知旅遊難。

其五

雨過車轍亂。紛紜大梁客。亂離有新感。零落少陳迹。寒木被古堤。鳥飛女禦夕。雲氣滿黃河。布帆如一尺。

其六

河流暮濺濺。策衛向延津。枯煙橫野草。安知蕙葉春。斜景下西陸。隴樹兼歸人。莫聽逆旅歌。遠客意氣真。

其七

天氣橫

清
細雨載清寒。縹渺過林麓。偶與谷風集。漫漫隔遠日。
疲馬隨野潦。俯仰同枯木。黃昏烟火微。安問淇園竹。

其八

郡將震旅歸。北風吹馬蹄。板橋布嚴霜。氤氳村烟低。
殺傷委艸莽。人去飢鳥啼。豐年安耕鑿。歌舞皆烝黎。

其九

寒風吹霜氣。曉望鄴城塵。漳河懸急流。宮殿餘荆榛。
對酒何慷慨。失意非賤貧。名士與傾城。同歸悲歌人。

其十

參差溪畔柳。城郭帶寒色。妖姬弄新晴。當壚明夜飾。
天空星氣垂。酒冽歌聲直。遠行異聞見。縱橫徒太息。

其十一

小市散晨煙。短籬帶枯柳。千錢買蒺藜。喧譁惜升斗。
嘆息父母身。終爲溝壑有。比午野哭微。朔風度林藪。

其十二

邺鄴大人舊治

叢臺俯陰谷。縣小暮寒逼。年荒雖易遷。少遊自多惑。

壯闊

開口便弓

牙字意

味

嘆息見遺民念舊常惻惻敢忘明府仁佇立問顏色
共十三

山色慰行役雲起大行幽塞衣披霜露驅車亂寒流
朝餐勸僮僕近城風力柔久客自慘淡慎莫羞敝裘
共十四

滹沱蕩殘澌風沙晝瀟瀟民少縣門靜城卑塞馬驕
破屋餘父老努力加供軍徭國家不忘讐魂去誰能招
共十五

日暮遵上谷雉堞遶高吹健兒佩雙弓大堤試邊騎
天下多事時恃俠亦非易顧盼何足云誰無斗酒氣
共十六

春意犯冰雪先至都門樹蘆溝連曉色車馬動野霧
山氣引積晦雁字逐微呵遙傳古寺鐘開林得清路
訪宋榆山有贈

烏帽青簾雪後看交游原不問長安幾年慷慨知君
健近日風塵結客難時事書生方擬策故人卒歲願

清上閣詩
加餐獨懸短榻鶴聲遠長見西山對曉寒

其二

布衣燕市空彈鋏長揖登堂好弟昆
所望故人非一日自爲下士敢多論
各言親老皆能節莫道時艱且閉門
天子用才過往代何難仰答廟堂恩

次新城同孫枚先作

遠陌浮新柳孤城向晚吹團沙較馬健
返炤與人宜水色通荒徑花枝對旅思
一杯寒夜寂幾處夢魂疑

周其章孫枚先見過

年來爲客獨何如猶對微風滿架書
感慨自成伏枕後人情非復閱交初
春歸小雨宜呼酒日落餘寒尙卜居
幾樹柔烟垂漠漠徘徊相訊旅窗虛
會盡吾儕其會同徐乾若方密之飲姜如須寓次密之韻
慷慨能同語從容聊授餐讀書常意氣作客近艱難
喜見都人士高談古鳥官寥寥向夕地塵尾自相看

書生射時務天下何漫漫出門有苦樂豈必居長安
明日遠別離各聞勸加餐置酒賦短歌作吏誠不難
對雨作

今歲河南北赤旱數千里流亾蟻道路足裂弗可止
倉促委溝壑疾病羨老死野色散鳥雀曉烟望城市
盜賊稱困饑所司不能理國家仰全漕舟楫無尺水
旅食何徬徨懼爲僮僕累詔書感父老賑發戒任
使平臺求直言北郊虔明祀小臣最鄙細俯仰深愧

耻常恐天地心默默不足恃清晨聞雨聲開門再拜
視微涼落暹吹雲勢正逶迤海內近多事先自田家
始聊借艸木恩上報聖天子

其二

夜雨入長安曉色滿蒼藹人家一氣中鳥雀孤烟外
田野半凋殘耒耜幸不廢筋力苟可施誰能厭污萊
遠客閉門卧蕭條收粟籟夢寐雜鷗鷺誦讀喜澎湃
因思故鄉時林木正蔓葑雨足散西山衆峰互顯晦

度澗石泉鳴乘巖瀑布大暇日愧淹留端居謝冠帶
世事逼荒年浮生憂進退人聖主獨焦勞隕涕屢告
誠中原杳茫茫豈敢忘艸昧榆關慎防秋閭閻勤負
戴天意在經營努力惜粗糲

偶至水關暑甚小憇藥廟柳下

閑浦芰荷共午陰石橋斜轉水痕深雲流積氣成新
響波引微吹到遠林斟酌公卿近世法顧瞻貝宮闕
小臣心蟬聲猶有溪山意幸爲獨來盡日吟

過濟南見蝗

一年殊艸艸萬里遠游歸尙有孤城在終疑前路非
侵畦禾色亂出郭樹陰稀指點農夫語新蝗背日飛
兄弟子姪集飲

命坐歡杯酒優游明月中族多依古法歲歉見家風
稼穡隨時得詩書因事通相將多暇日松菊舊園空

數至溪上

短砌虛窗引夕涼離離林木遶溪長風中歷亂孤蟬

響石上逍遙衆艸香。舊日衣冠長者教。今年禾黍下
農忙。獨過山麓思飛鳥。猶帶輕烟在小堂。

籠泉

惆悵石橋古樹涼。天涯行李豈能忘。已知山意多秋
雨。自聽泉聲到夕陽。

過泰安

總是矜秋意。徂徠風雨餘。逃亡成大盜。淨泗上災書。
野阜林香細。荒原日氣虛。誰能知李涉。車馬正蕭疎。

過濟寧

次第待中流。浮橋聚遠舟。長年莫高唱。明主有深
憂。檣影黃頭晚。邊聲赤羽秋。行當尋海道。擊汰傲滄

洲

過曹縣

斜日依山郭。微茫目力通。倦游驚木落。憂盜祝年豐。
河氣生秋雨。林烟聚夜風。寒鐘同宿鳥。欲滿暮郊中。

九日雨

蕭蕭分澗水。秋意杳茫間。遠道衣裳薄。空村鳥雀閑。
濕烟吹暗艸。寒雨滿荒山。野菊疎籬下。棲遲蚤閉關。
途中雜感

汴至邳千里野。餘枯蕪林鮮病葉。狼藉殿呬逐。
境慘目涉郊。而傷化離入城。而聞督責戲謂長。
吏鞭朴之下。有豐年矣。蛾賊連跡。客若尋隙微。
力設戒輒與交臂。以過顧山川之紆迴。歎時序
之寥慄。行李倭遲。愴焉興咏。

蕭瑟夜霜中。林疎落葉紅。荒田秋艸合。壞壁暮鴉通。
倉促征求意。迢遙戰伐功。斜陽戒僕馬。默默向寒風。
人賦其二
郡符昨暮下。輦鼓出危城。曉日村烟斷。寒雲野樹平。
威儀新練帥。坐卧舊鄉兵。饑歲多虛伍。連營久未成。

殘月炤行色。秋痕曉未安。西風生雁早。中野履霜難。
葛蔓前溪斷。苔封舊井寒。沅移當此日。淒絕不能看。

共四

猶自嘆勞薪含聲誰敢陳
催科畏吏議弭盜怨時貧
疾病皆人子馳驅恃大臣
悲歌對夕炤飄颻遠遊巾

其五

孤村憐病叟避客倚空墻
歲暮貧非病時危老易傷
人烟隨落日林影炤寒霜
又逐歸鴉宿城昏燈火涼

其六

汚田通斷嶺篝火喜深秋
月暗燐爭起風寒霧未收

艸根朝露滑楓葉野塘幽
此地曾經戰前驅尙畏螯

其七

入楚衆峰連霏微立遠天
溪烟一徑轉灌木數家懸

日落兵傳檄天寒吏索錢
鹿皮難避世空住萬山巔

其八

礪折因乘石巖回直到門
陰晴千嶂夕艸樹四隣昏
敗屋星光入危墻火氣存
虎鳴應不寐幸有舊瓊溫

清漣亭雨

清山閣詩
遶亭多古樹微雨各蕭森小濕留殘葉寒聲帶宿禽
秋歸薄暮急氣靜一園深淅淅長風裏虛宥有獨吟
禁旅

江山應失險聞寇過巴東射雁暮雲白呼盧夜火紅
飛章薦朝上歸路數軍功應有羣臣賀饒歌向朔風

其二

落日浮清漢悲笳動楚山蛾飛猶在野隼戾莫言還
新稅勞羣吏徵師至百蠻傳聞都護怒郡縣事方艱

其三

棲遲調戰馬歌舞息危城野哭旌旗色賊聞將佐名
居民怨歲儉天子望功成雨暗悲風急淒淒瀆水
聲

其四

寶劍紫驂騮雙弓映錦蓋列營中衛尉持節大長秋
若遇山前騎何愁關內侯解鞍且笑樂少婦在樓頭
夜聽涂君彈琴

清止閣詩
搖落對幽居蕭然獨感予思連秋竹冷響盡夜宵虛
月靜微風裏庭寒積雪初數絃迢遞去嘆息遠情疎
其二

遙心生靜夜幽意寫清絃似有回風起高齋更寂然
樹寒雪盡落鳥定月初懸擬逐成連逝吾廬滄海邊
微雪復霽

北風吹暗牖惆悵掩荒園寒日依雲落空林見雪痕
中原蠲賦 詔新歲藉田恩春事何時起農家器尙

存

使歸作書有懷家靖伯

入目風塵未解戈幽情空託舊山蘿晨昏先悉雙親
健雨雪遙思故苑多上相旌旄游白帝饑民輦鼓遶
黃河秋歸共有茱萸想歲暮椒尊更若何

寄懷孫枚先

兵火相尋事漸非神州北望驛書稀友人歎歲獨家
食 天子深宮尙布衣入暮暗烟孤角動遶城寒雨

清山閣詩
數鴻飛遙知萬里同吾感猶得行吟至夕暉

臘日

薄陰斜日影皆擢楚塞寒深雁字飄蜡鼓空傳貧市
靜梅花應放小溪遙客中節物隨風俗歲晚冰霜見
寂寥微霰欲晴冬事盡西南紅襪未全消

十二月二十日大雷電至夜不止

冬杪積窮陰雷聲如相追嚴冰合浮雲電火中逶迤
入暮雨霰急北風多怒吹大息正襟坐遶屋棲鳥悲

去年當盛夏大雪摧堅枝如何修省詔屢聞 聖明
時雨旱不相妨南北傷子遺盜賊獨閑暇笑樂羈王
師天心托憂患長恐人事遲不寐問夜漏微賤思易
危

臘盡微雨同徐章民夜坐

緒風獵獵遠寒燈江漢蕭條夜氣烝節序依人常作
客關河積雨應多冰遙愁家遠逼戎馬漸覺年來重
友朋孤旅如君惆悵否相思恐有夢魂憑

除歲前二日大雪感賦

閉戶層陰落霏霏歲欲闌畿南新盜起河上片書難
地遠傳聞異風多關塞寒應無黃竹獵且放老農看

其二

風定暮烟合天低夜火懸愚民應悔盜明主正祈

年色約簾衣靜寒垂樹杪圓客心兼衆感遥寄塞鴻

邊

守歲

萬里度間關遥懷此夜闌時危荷主德祿遠慰親

歡看雪留冬氣燒燈入曉寒漢東分霽色雲盡衆星

安

其二

殘雲泛燈光辛盤散衆芳慈幃親賜食幼弟解行觴

春遶梅花至晴隨雁影長尚存豐歲意爆竹夜蒼蒼

人日晴

寒陰縹渺暗鴉聲春到初看此日晴山色半沈烟樹

清山閣詩
裏白雲積雪晚來明。

春樹

芳樹連晨色烟微曩歷間巢成新雨後鳥拂弱枝還
易接危樓遠偏深小院閒穆陵多古柳春思滿寒山

暇日

圖書休子舍斜日望亭臯兵去猶豐歲春來慰濁醪
亂離輕祿食童稚厭旌旄芳艸綠清發東風吹岍高

聞寇歸襄城遽陷

漠漠繁陰野色殘回風夜起大堤寒吹笳久聽襄陽
樂飲馬休歌蜀道難初制犬牙隨漢立恐矜隆準得
人看城頭絃管催春酒應慰餘俘各盡歡

對酒春日有感

閉戶支離惜遠春今年更聽戰輦新東廂應有陳災
異前席誰能說鬼神清夜自懸峴首月悲風先入洛
京塵高樓柳色通遙思烟雨淒淒欲浹旬

北望

清山閣詩
行者坡前荒艸新
兜鍪山下野鶯春
楚天向北空雲
樹除却歸鴻未有人

花朝出郭外

近日遨遊少徒存
令節名貧郊初艸
靜廢院暮花明
接岍通餘騎依林
見蚤鶯峴山鼓角
亂惟恐失春耕
人香將發邛中言懷

大人秉鉞來寇騎
薄城下民貧將士
喧其勢如漂瓦
女墻分異域春去
豈有夏如今三
四郊外無嘶馬

昨歲迎東耕父老
淚盈把焉知禾稼
力且復樂原野
戟門風氣肅衙齋
自瀟灑膝前再拜
跪羅列進杯斝
篝燈簡文書訓戒
兼風雅高松時鳥
啼幽亭曉露瀉
圖史澹斐几苔竹
護短厦晨夕多優
游所憾志慮寡

其二

邛于一丸地被兵
十載餘其中最驍
騰受撫忽若愚
微言不敢爭我勢
猶能驅匹馬歷艱
危夜雪凝眉鬚
孤城戈戟內遠近
半丘墟士驕將律
衰指顧如笞奴

已卯革賊來慷慨勵車徒邀擊多殺傷老弱爲我俘
賊遁兵亦去驅馳日月殊以此數勝卒一旦歌朱儒
邛人獨小康出入荷鎌鋤遠臣易得罪執事誠難誣
但憂賊未平常令氣不舒食祿二十年臣罪何時無

其三

初桐引條吹雜芳依令月小子顧朝命脂車嚴晨
發俛仰聽告誡遠離意難豁責我惟勉旃感時兼呼
咄後生有高懷約躬就所削幼小學詩書惟恐少凌

越家世本儒素不知生事拙閱歷常艱難藜藿固可
悅淡泊非有爲無才樂微節至尊尙憂勤年凶厭征
伐細儒多悲歌志士無騷屑日月自勗厲拜跪愁倉
卒崎嶇抱明訓攀援濟愚劣春風慎遠道江野共蕭
瑟兵氣滿神州羽書聚北闕艱虞饒遺失冠蓋思前

哲書共公野
其四

中原積荒歉四方合流移籠上力阪田窮旱無所施

舊村今幾家大族日一炊空山艸木盡嚴冬雨雪悲
別來溝壑中狼籍知是誰清晨得鄉使險道來逶迤
驚喜共倉惶微怪探書遲親戚半凋喪吁哀薤露詩
疾病亦天意摧折非所宜昨夕接殘寐猶是怨生離
此信若可忘久客能無思更言揭竿亂枵腹相奔馳
殺氣漲林莽慘澹寡旌旗孤城百里外屠掠幾靡遺
遊子畏遽聞萬感同一時但覺辭家近惟幸中心疑
楚江戒遙楫行邁尙艱巖未必勝他鄉歸嘆空猶夷
漂泊干戈際旅志常離披過此庶可釋茫茫任吾之

晚至漢上

野浦蕭蕭夕望殘春來惆悵切雲冠孤帆日落漢江
靜細艸風吹大別寒故里存亾驚客久他鄉笳鼓得
居難家書珍重總能達空置牀頭不忍看

雨後泛大別湖

極目汀洲盡遠波谷風漠漠起漁歌夜移江水從雷
雨春入山烟散薜蘿棹轉半侵芳艸上湖平偏得夕

陽多中原寥落羽書急白馬能堪更一過

寒食江上

江濶衆流平山虛春艸明初楊侵遠道悲角散孤城
隔岼分烟色歸舟共曉晴連年頻作客不羨鳥啼聲
其二
花暗遠堤晴烟涵埤塊明官湖新樹隔鄂渚曉帆生
江漢方存險波瀾莫教平遙傳幕府檄羣盜欲連營

聞笛

星河氣靜大江深長笛漂搖度夕吟風滿山城初入
破月明楚客欲沾襟不堪春至惟高枕忽作秋思散
遠林到處金戈雜盡角此聲清怨恐難尋

夜雨

大江雨中寒楚澤無安流夕風逆清漢城郭如扁舟
雞聲達前隣濕鐘隱戍樓秉燭聽高樹蒼茫接遠洲
故鄉隔萬里獨夜集百憂已聞干戈外空悲道路脩
存亡皆入夢佇立同夷猶存者望我歸沒者何所求

晚望

青山通極浦遠樹盡婆娑
曉雨連湏口江城附夕波
感深宜寂寞歸好任蹉跎
愁思高樓上飛鴻向晚多
登漢陽江天閣

空洲艸樹共依依極望歸雲入翠微
遠岼欲隨舟楫動兩城分與鷺鷗飛
不工旅食宜豐歲莫怨烟波有釣磯
烽火春深何處斷故山擬製薜蘿衣

微雨

鸚鵡洲閑春艸深江氣空濛沒遠岑
漁舟莫泊風拍岼流鶯欲語烟滿林

其二

冉冉扁舟鳥信風木蘭花落綠陰通
傳聞漢上多游女空閉青樓細雨中

贈別劉謙甫

天涯遠客但如歸杯酌從君看落暉
夏口自連春樹動漢波
遙下暮鷗稀近餘吾輩微存古時入人情各

清山隱記
有機應發短歌同感慨徘徊切莫賦無衣

晚過黃州

蒼茫斜日下迢遞眾波聲世亂輕餘礮舟空快晚行
巖留孤棹轉風散片帆橫赤嶼磯前雨烟林作夕晴
大石坡

烟深艸樹齊渚暗杜鵑啼遠水趨山盡孤舟略岼低
倦遊宜短楫多難厭雕輦寥落空江上讀書至馬蹄
道士泮

渺渺高颿去空山落晚吹人家依礮靜漁艇得幽遲
遠樹乘烟過孤巖至水危寧辭三老力且與客途宜

晉江行口號

南風吹水神鴉飛汀洲日落荻芽肥空村寂寞亂離
後時見樵舟帶唱歸

其二

鯉魚擲浪夜江空荒嶺通西遠火紅相戒洎舟休近
岼昨朝三騎在林中

其三

盤塘風急野烟開
白鷺依洲水遶回
曉放中流聞磬響
小舟載得社神來

泊溇陽

兩岫西風動渺茫
萬帆齊落舟人忙
遨遊欲老何子
晷國家未得桑弘羊
匡廬雲起衆峰變
溢城樹沒高烟
長琵琶亭靜估客少
空艇山色徒徜徉

彭澤縣

猶看湖口雨遙散
柘磯吹渙唱分歸路
舟喧欲泊時孤城依艸木
夜火出茅茨解帶思陶令
長吟貧士詩

馬當山

天際一縷生逡巡
數十里晴江與遠山共漾寒
雲裏晨光炤不定
渚風蕩難起岫澗澹靡聲
高深盡積水輕舟發昧旦
雲意無終始久之氤氳分
逶迤見洲泚偶喜衆峰近
方覺長帆駛巖石本孤峭
波浪相傾倚飛鳥鳴繁烟
林木映清泚初曠通遑懷幽眺
何能已

夜發雷港遇風暫泊蓮花洲

掛帆出冥漠江夜合幽靄川濶星漢搖天近百霧會
落月水族喜却射異光碎迢遞亂衆痕咫尺聞急瀨
厲風終夜發岍遠驚砰湃黃霧映空游白濤破晨晦
方舟不知附恐非波力載篙工嘯相及遙火辨曖曖
時與前山平復下萬丈內慘澹雲雷氣縹緲魚龍背
虛洲有微雨獨坐收蚤籟

燥磯

石靜蛟寒雲氣遲月明古木夫人祠蘋花風起晚潮
落江畔獨行應不知

阻風登東梁山

轉棹遠峰迎依灘送浪爭曉風失衆力初霽見山情
室礮憑烟際林幽入水聲杖藜隨度鳥孤意遶巖行

采石磯

閑亭分野樹隨意俯長流山色因江潤松聲向夕幽
客祇依鳥影樵逕接漁舟石壁苔文冷逍遙映白鷗

吳子遠方直之邀泛秦淮不果赴復惠詩見留
舟發後和其韵

一池萍藻映虛庭林際山光對曉青短笠獨看江上
雨微波漫過水邊亭友朋自擬非今法鷗鷺閑來共
遠汀燕子磯前風欲急瀟瀟蘆葦晚時聽

維揚卜寓

夾岍脩林帶遠津蕪城日靜曲江濱近看鄉國難成
返病寄天涯瀕卜鄰故畝應無荒歲積長途猶是舊
家貧紛紛組甲黃塵內燧火傳聞事太頻

春景其二

滄江短楫向清晨楚思猶憐瀕水春進退幾人存直
道 國家多事用勞臣凶年應改愁遺里羽檄時傳
慮老親悵望邢州烟雨遠艸堂誰問浣花濱

泊瓜渚望京口諸山

薄暮滄洲意若何歸潮輕逐榜人歌獨標巖壑中流
靜遙受烟嵐北岍多女堞臨江吹角壯海門連雨掛

帆過長天鳥度孤雲盡。悵望時時得釣蓑。

暮登聽江山

古寺僧儀少。初聞烟磬鳴。石含秋雨氣。樹散曉江聲。
結室分巖險。開門對水清。浮生羨渚鷺。自覺放舟輕。

江上

杖履隨幽意。來依渚鷺群。山川通海氣。城郭動江雲。
暮景千峰立。潮風兩岫分。孤亭披竹木。遠櫓過皆聞。

留雲亭

甲黃鵠內數人駱州舉大威

絕壁引微徑。疎鐘落急湍。亭臺分氣色。舟楫挈高寒。
雷雨愁遷徙。登臨接杳漫。魚龍猶澤國。竹樹即雲端。
遠嶂浮前浦。晨光發積瀾。古橋依岫立。危石藉波安。
旅眺連吳楚。遐思寄羽翰。干戈失鳥道。烟水靜漁竿。
帆影開林過。潮聲遶座看。長風吹白日。滄海共盤桓。
集鄭超宗影園得七虞

虛亭野色映葑蘆。皂帽青尊意已殊。誦讀何人惟大
略。行藏對客且高呼。疎林共遶烟仍澹。亂水總通石

清山閣詩
愈孤。蠟展從容幽望遠。晚風啼鳥下平蕪。

微雨同鄭超宗飲姜如須舟中

吳越盡舟居。知君旅望虛。尊明山水影。袖滅友朋書。
初雨雷難定。微波烟有餘。開窗對四座。予意亦蕭疎。

其二

輕雷遙入水。疎雨但隨雲。舊日連牀約。孤舟對酒聞。
交游弟畜我。風雅事歸君。野寺微鐘發。蒼烟至晚分。

寄懷家靖伯

閉門三逕裏。應念鵲鴒詩。饑歲山城靜。瘠田秋色遲。
時危憂客久。弟拙賴親慈。閑卧多遙慮。庭梧起晚吹。

寄孫羲侶

大江兩岼多菰蘆。千戈滿眼舟楫孤。茫茫烟水數千
里。飄然荆楚來三吳。他鄉豈必盡樂國。世亂未敢辭
馳驅。萬事憂虞何日定。此時去住安可圖。悲歌旅食
自激烈。遙望鳥道空崎嶇。猶思故里若夙昔。能無歸
志徒躊躇。千家閉門城郭靜。縱橫白骨填路衢。女墻

日落暗風起鳴噪惟見鳶與鳥到處泉源通磻戶至
今石裂清沙枯飛蝗蔽天耕牛死瘠地不得伸勤劬
故人居良獨苦蕭條十口愁妻孥交游僮僕俱足
累食貧恐與常時殊君有雙親皆七十晨昏勸餐以
爲娛折腰束帶焉能惜年來斗米如量珠嗟予三匝
遶庭樹支離風雨羈長途溪邊林下可高卧安得濁
酒相勞爲君沽

孫介黃將謁選北上書以問之

柳陰深焰艸堂派猶自高歌舊酒壚署字但書前貢
士理生應愧上農夫幾年旅卧驚秋雨何處排衙對
曉鳥秦氏城南休借問彘彘遥認使君鬚

口占戲寄

夜涼明月邗江頭愛聽簫聲近酒樓若問牧之薄倖
爲何西猶是舊揚州

沈仲方將歸鴛湖作畫畱別賦贈

相對初無言澹淡如秋水江濶淨於空遠意無起止

舊遊固不遙置我瀟湘裏
逶坐生微風中流聞芳芷
山勢最高巖石墮藉雲倚
其下非長江安得孤如此
漁人舟雖小可載吾與子
卧看浙江潮鷗鷺共沙汜
撫画再三嘆烟波自斯始
短艇豈難能獨往愧君耳
暑甚偶憶鄭超宗園居漫書奉問

鹿牀蕭瑟倚茅亭散髮擁書戶
自肩長日樹陰蟬嘒嘒
微風石氣水泠泠獨居應作愚溪對
客至先觀退谷銘載酒若尋阮孝緒
滿林疎雨可同聽

戴初士貽詩見贈中云行經吳楚兵荒載家望
青齊去住身誦之愀然次韻奉答

擾擾兵災事自因孤舟漂泊下遙津
病看十日江城靜家對千峰秋艸新
湖海繇來多異士漁樵何處有閑身
吟成梁甫能同賞黎杖從君莫厭頻

贈湯佐平

之子聲聞藉長風散遠襟
曉烟隋苑近秋雨邗溝深
吏事無殊法交朋有素心
論文猶不廢尊酒夜鐘沉

其二

郡城微雨度曉色遠林疎款恃君爲政寒驚客卜居
莫輕刀筆事擬上治平書負巷應廻轍高眠似傲廬
贈戴初士同日納二姬

並坐衣香亂回燈髻影平頻看鏡裏笑共道小時名
粧罷仍相問眉灣每代成同來向夫婿何處最分明
再贈戴初士并訂遊白門

閉戶脩瓶政焚香著酒經才名鄴下士歌吹竹西亭
狂客朗吟去丈人安坐聽好過桃葉渡秋至水清冷
寄懷高葱佩

布帆何處去澤國變晨昏月影靜千里江聲散一村
荻蘆通楚水烟樹滿吳門解纜頻相意閑洲宿鷺痕
其二

日澹長堤樹晴看幽渚花相携銀鑿落每到玉勾斜
吾病世多故江清烟有涯遙憐山桂發高卧對林鴉
將赴白門畱別查伊璜

清止閣詩
浮家千里意蹉跎。時聽吳歎變楚歌。苑滿烟霜古木
盡。江連斥堠遠帆多。良朋常自無心得。故里空看有
雁過。別去登臨同悵望。西風應起莫愁波。

周穎侯以詩及佳染貽贈率賦奉答

幾年猶作狹斜遊。相對悲歌宿雨收。露下砧聲虫思
晚。水邊木葉客帆秋。逢人月炤廣陵郭。懷古烟生文
選樓。幸作右丞學道友。欲棲丘壑向君求。

集梁飲光齋中

閑日深居鳥角巾。繩牀斐案共逡巡。醇醪幾斗稱名
士。佳竹數竿作主人。久客鄉心亂後盡。高城秋色雨
中真。更移短燭同長嘯。梧葉蛩聲夜氣新。

題林屢泊

移舟無遠近。阡陌亂烟通。榆柳孤村晚。菱蘆盡日風。
虫鳴秋岬冷。菱熟野塘空。遙見飛鷗去。漁榔荒艸中。

江上暮雨寄張朗先

遙逐樵風響。孤舟自渺然。鄉思微雨內。愁晷舊游前。

秋遠兼寒水江空但積煙予懷應可問歸雁滿平川
積雨微霽獨至雨花臺坐木末亭日暮歸舟中

更別作

荒臺分野色出郭澹幽尋微雨侵殘照孤亭收衆陰
疎林無近響遠客有离心徙倚回風起瀟然陵谷深

中真其二

薄暮林方靜獨游雨亦佳寧耽十日飲長厭六朝俳
人谷連幽色初晴抱遠懷漁歌催短艇夜火望秦淮

廣陵贈劉宜綏納新姬

木蘭亭下客微雨起秋涼縱酒燈連陌艷歌日炤梁
夕粧隨意淺初黛共時長京兆多新思憐君曉鏡傍
盡下中秋同社諸子讌集

淮南木落晚潮生共映寒江星漢明幾日客愁因薄
暮滿城秋意向微晴論交海內方多事呼酒年來欲
不平四座徘徊清露濕懸知月賦最先成

蘇武竹枝次友人韻

遠堤烟接木蘭船。細雨寒燈蕪葉邊。聞道長干消息
近。從今夜。夜夜對潮眠。

其二

遠樓脩竹碧琅玕。樓上何人夜倚欄。獨唱竹枝聲未
盡。石尤風起蕩舟難。

其三

蕪城霜滿送君時。莫向長堤折柳枝。堤上君歸春未
返。青樓空自妬腰肢。

其四

木落天高秋水清。聞郎洲畔刺船聲。緩載江南離恨
去。布帆雖遠却無情。

其五

欲寄離心遠問郎。秋深寒雁滿瀟湘。莫嫌字數多如
許。珍重中間只一行。

其六

獨望秋河映月行。嬾隨女伴記歌聲。秦箏柱冷檀槽

重偷向花前學鳳笙

其七

木杪紅樓是妾家
征帆過盡見歸鴉
却憐人意秋來
冷種菊滿園盡著花

其八

湘簾斜捲大堤頭
江上高帆遠客舟
却怪西風吹妾
楚不知江水向東流

贈較書文玉同周穎侯劉宜綏作

疑從姑射見顰笑
倚重幃暮色珊珊影
秋寒葉葉衣
鳴絃經怨澁私唱得情微
廿四橋頭月清光共爾依

十日重陽前二日沈仲方黃仙裳招同黎左巖劉宜

綏集平山堂

青籬紅樹遶丘阿
霜露初聞蟋蟀歌
細雨連江逢客
少短筇向野覺秋多
旅人歲晚酬尊酒
山鬼晨寒倚女蘿
古寺蒼茫衰草色
冷烟落日塞鴻過

九日集陳氏山庄分得吾字

欲將秋色問茱萸。修竹黃花志不殊。歲暮偶隨陶靖節。時艱誰是管夷吾。晚烟積水寒偏遠。野樹高天響易孤。載酒行吟斜日裏。幽尋慷慨豈能無。

真州留別鄭伯崑

別棹思仙令。長吟竹樹間。草涼放吏散。祿薄事親閑。斜日村中社。寒烟江外山。相如多病後。獨向酒壚還。

寓汪汝爲餘築園并贈汝爲

寒梧叢竹遶清廬。遙寄蒹葭郭外居。聞說到門多好

客懸知種樹有奇書。盡通石氣晨流靜。半入江烟秋色疎。酌酒對君鄉思滿。遠山落木正愁予。

集姜開先衍園

幽亭通曲折。小徑接危欄。葉落秋難靜。苔生石未安。主人看放鶴。游子勸加餐。好借奇書讀。松聲夜閣寒。

次鄭超宗韻送蘇啟先

斗酒孤園內。蒹葭生夕涼。蕭條向四座。離別盡他鄉。久客秋冬氣。遠林霜月光。遨遊蘄歲晚。蟋蟀在西堂。

影園別姜如須

夜雨瀟瀟廣陵客。短檠熠壁寒無色。四座呼盧願盡
歡。門外蘆花風瑟瑟。離懷俛仰各依然。珍重孤蛩秋
草邊。做裘燕市愁風雪。空憶吳江載酒船。

贈胡雉餘姬人韻如

紅樓珠箔向清晨。聞道當時本姓秦。貧賤能知韓員
外。丹青不數李夫人。頻分水石留寒月。更染鶯花應
小春。白雪祝兒有佳句。閨中倚和莫逡巡。

予將去廣陵陳青雷姜如須劉宜綏同赴舟中
言別小酌

孤舟江月炤清卮。搔落隋堤聞雁時。南浦自傷爲別
易。北山應怨得歸遲。離觴弔古秋方老。夜火懷人夢
亦疑。明日寒霜何處泊。燈前猶記歛歌眉。

河上阻風遠望淮波遂通邗曲愴然有懷

波起風寒落日黃。長河秋意晚微茫。遊多易作憂時
計。客久翻成去國傷。露下棹聲連射水。月明漁夢滿

雷塘暮烟遙望歸帆滅。野樹疎鴉炤遠霜。

臘十六夜月色皎甚呼酒獨酌誦雪堂和陶詩
既復命琴彈塞鴻秋思二操其聲淒然如凍泉
欲下乃阻危石林雪將落復激迴風投絃而起
不自知其聲之悲若此也中夜不寐遂成五言
誦之

短檠清夜寂迢迢起遙思明月自相炤素琴何事悲
故人傷歲暮多病覺時危徙倚誰能醉寒霜遠漏遲

晚獵

積雪暮山孤空林霜葉枯臨簾觀狡兔鳴鏑出封狐
日落諸峯變壑深衆響殊金尊映翠袖燈火夜呼盧
遠別離

我聞古之遠別離。梧雲湘水不相知。日暮忽逢狹路
間。君馬臣馬同時嘶。行吟楊樹下。握手溪水湄。解帶
脫帽坐呼酒。壯遊寂寞多苦辭。青春易謝白日速。縱
云強飯嘗相思。壽君此觴願君盡。別離雖遠兩不疑。

遠別離。當奈何。回顧美人爲我歌。

置酒行

年來風塵交四國。畫角處處嚴城夕。西北浮雲落炤黃。中原鞞鼓狼烟黑。側身遙望空踟躕。憂昔弔古嘗離居。但當遠結遊俠子。何能更讀諸生書。屏車下徒步。路與酒傭語。手弄百萬刀。目盼十五女。美人皓齒發清音。哀絃幽意自相尋。曲終拔劍作楚舞。壯懷艷思同時深。栖鳥懷高樹。蒼煙紛薄暮。山中歲晚多悲

風明日置酒邀諸公

行路難

溪上有寒石。門前多衰柳。蕩子歸非遲。感物覺已久。貧賤慕遠游。意氣難獨守。海內事漸非。安能依隴畝。盛年努力詎足云。莫使窮愁成老醜。殷勤贈我平生親。君但日飲美酒近婦人。古之英雄失志多自污。悲歌淋漓何足陳。

歲暮行

清江隱居
歲事欲暮雨雪繁客聽我歌慎勿喧使酒罵坐人無
與言獨騎肥馬暮馳西門道逢故交下馬立勸我加
餐揖我入腰間大箭何所爲明日折節讀書今日射
鹿飲血南山陲

放歌行

中山美酒映玉壺家藏趙瑟與吳歛華堂高宴日擊
鼓花開皆照紅瓊瑜顛倒劉碧玉調笑秦羅敷功名
雖不盛氣勢遠過執金吾然後藥成雞犬亦仙去豐
隆爲導白蜺車暇日盡啟龍威函薄游遙問青城居
此數事者未能一愁思躑躅何時無

悲歌行

回風激林落葉有聲登臯望野薄暮不平貧賤不至
屠狗飲酒縱博無所知但當閉門獨坐安用意氣爲
谷寒日落天四垂悲歌慷慨笑殺輕薄兒

夜宴曲

北風一夜寒庭中數尺雪高堂置酒列明燭共聽飛

鴻孤影滅故人慰良夕引滿相娛樂笙鼓既以陳樽
蒲兼六博飲酣請歌揚叛兒朱簾素袂何綽約獨鳥
宵鳴憂來求旦四座歡呼中聞微歎鳥飛月落光迷
離歌出復止誰能知

寒夜怨

霜平月出覺天高誰能懷人夜不暹舍愁歛怨歌且
誣宿鳥驚鳴求其曹徘徊閉戶掩長幃寒燈抱影無
揚輝攬衣慷慨哀鴻飛意氣不隨遊子歸星欲稀夜
未央清露下素琴張繁音密緒皆茫茫推案置之亦
何益有酒且須勸我千金觴

烏棲曲

烏求安栖風激其枝相顧鳴喚躊躇心悲歲晏繁霜
驕日暮寒河馳短歎微吟何所思但願有酒斟酌之
佳人勸我黃金卮檀槽象板聲參差褰袂仰視夜何
其天低月淡星氣垂三十不足二十餘日讀魯連之
策秦風詩縱酒狂歌若有托歲月既去誠可疑遶庭

水雪清縹緲長庚明城頭烏啼吹角聲吁嗟海內方
用兵

作客行

男兒生當天天下多事時讀書擊劍將何之醉即高歌
醒當別離擲觴上馬無一辭朔風吹衣落日寒美人
莫唱行路難千里常有好顏色書生何能能作客

過樂安

悲風折木晝將陰出沒疎烟向晚林寒水不堪成客
路遠山已失望鄉心蒼茫海氣連天澹騷屑游懷對
酒深艸艸自憐長道上胡纓短劍意蕭森

濟上

送客登臨共憶鄉淒風蕭瑟上河梁但云慷慨須呼
酒莫道別離各盡觴塞下勞人歌太白城南初月照
流黃天涯何處畱征夢日暮旗亭濟水傍

伯勞

伯勞飛顧各逡巡握手悲歌莫更陳但解加餐爲遠

客何難低首向時人理箏五夜倡樓曲談劍三年蕩
子身慷慨自嫌聲太激壯懷蕭颯復沾巾

漠漠天清雁字收蕭條何事發離憂風吹西北長安
陌日炤東南秦氏樓短策朝橫稱俠少大絃夜冷語
新愁別觴意氣爲君飲不是徘徊溝水頭

野宿

北風烈烈古城西野樹蒼烟向晚低日欲下春寒策
衛村方經亂夜無雞懷人千里聞鴻雁多病十年怨
鼓鞶共有征魂何處遇板橋霜月滿長堤

蚤行

鳥飛殘雪遠林平月落空村班馬鳴廢市無人朝閉
戶長途多事晝陳兵買弓一石寒難挽擬賦千言病
未成近歲牢騷傷客久悲吟猶作滿歌行

晚行

平野風吹暮聽潮荒原艸木盡蕭蕭遠遊有客矜奇

清江閣詩
服落日爲誰賦大招到處田廬因亂靜近城鼓角向
人驕高談博袖休持筑燕市哀歌久寂寥

旅邸與孫義侶夜談

門外霜飛夜色殘蒯緜長劍欲重彈風塵憫亂歌猶
壯旅舍篝燈夢亦寒縱酒恐成遊子病懷鄉且勸故
人餐春梁社燕多離思莫起逍遙向月看

過天雄見援兵

夕靄平蕪宿鳥過疎林返炤遠如何日傳赤羽燕門
近雪霽白溝夜氣多野燒虛原連戍火列營寒月滿
凋戈材官彀騎今如雨應發河梁未濟歌

渡桑乾

北望飄搖落遠鴻桑乾積雪起回風山連朔漠邊聲
外樹沒長河夕炤中三輔舊遊時易變兩都新事賦
難工燕歌日暮誰能聽惆悵春寒韋曲東

微雨

燕市迴風思渺然長歌新著董逃篇欲分春事瀟瀟

雨共遶寒城澹澹烟薄暮角聲來樹杪出郊花意在
人前金臺上已遨遊近楊柳蕭疎未可憐

不寐

應將惆悵減清狂高臥支離漏尙長夜半豈無懷夢
草春餘猶點辟寒香已知欲問君家易更憶同行臣
馬良謝客著書幽緒遠年來多病忝爲郎

從祀

定陵恭祀

鼎湖雲散漏初鳴遙望氤氳片月輕萬壑森森無露
氣千官寂寂有鐘聲熊羆宵靜金輿秘翡翠烟深貝
殿清瞻拜菁茅生已晚時從父老問升平

其二

穆穆當時咏在宮垂衣海內誦年豐遺風今尚傳民
愿粉飾何勞奏獄空牘背示人非漢吏樓船臨海有
周戎共承宵旰神孫志不待牲牲氣已通

臥佛寺

日落孤烟裏遙從木杪來林香一水遶寺靜百花開

鳥宿聞鐘後僧閑乞食回千峯暝色幻獨往亦悠哉

宿碧雲寺同魏思令葛仝果夜坐池上小飲作

灌木夜參差溪鳴月出時初晴波瀲灩欲散影逶迤

山氣晚來合鐘聲烟外遲開樽清露下聊與故人宜

其二

謝公多綺句王衍有清談古樹毘盧院晚烟鈿鋤潭

微風生遠磬寒火出虛龕高唱同明月逍遙陰石楠

來青軒

蒼巖勢若削憑高發遙唱開戶澹烟餘倚杖飛鳥上

日薄松徑幽風起壑聲壯平原共逶迤衆山亦奔放

羣意讓孤巖百里見蕭曠懸流既屢斷遠峯更森竅

久之氛霞生離披非一狀餘寒巒谷靜微吹草木漾

登臨多朗懷渺渺復惆悵

春懷

空林日日掩清軒庭草春來烟雨繁豈恃薄游稱外

史偶因閉戶著中論橫鞭時上銅駝陌避世何須金

清山隱語
馬門朝罷登臨猶自壯。燕臺寒色滿平原。

傳收羣彥滿朝端。亟望清和亦不難。欲正笙鏞歸大雅。更求度數問天官。都城逶邐山光遠。曉露從容佩影寒。獨有閉門尋舊史。霏霏春雨篝燈看。

羣意其三

紛紛蛾賊盡。鴟揚極日中原。顰鼓傍烽炤。東征連雨雪。春來北地尙冰霜。莫因仆鼓趨乾祐。喜見憑軒乘

鬼章。嵩祝滿庭虎稽首。朱饒從此願頻張。

其四

綠樹方成陰。尚稀微波嬌。燕共依依愁。中伏枕憐人。健病後登高。見客歸。北屋新烟因歲減。初晴寒鳥背城飛。五陵日暮朱簾遠。猶自清歌白紵衣。

其五

五夜清懸使者星。疎烟新草映虛亭。敢因學古陳災對。欲藉征輶注水經。樂毅城寒沙獵獵。張華宅暗雨

清山閣詩
其五
冥冥憑高悵望哀筵裏薄暮西山塞上青

其六

史窓一榻自徘徊懷古空思賈傳才帷帳星高蹕氏
館篁篔露靜栢梁臺邊風時起春難定朔氣初銷花
欲開閑過御堤垂柳淺沅澌方盡見鷗來

臥病四首

閱世原無適遂成臥疾時孤吟清晝過初夏衆陰移
亂久勢當變諫多論不危近來因避客長自抱幽思

其二時聞毋兄已離廣陵并得孫魏縣消息

高臥當清夏蕭條尙覺寒能無懷舊隱已愧負微官
世亂家頻徙年豐客豈難故人有尺素日日病中看

其三

从病思微雨况聞減膳憂官貧知米價市靜少歌樓
物竭寧天意人窮與鬼謀摠爲黎庶祝星炤蘸筵幽

其四

何事生鄉思涼風吹麥秋春聲薄暮靜藥氣一燈幽

頗憶音書少寧關道路脩干戈如已定羈旅不須愁
燕市五月歌

徐文長舊有燕京五月歌皆竹枝躰也壬午徂
夏戲效之爲八首同人時相遇出以示之無不
捧腹而去寒官不能多具酒聊以此爲娛樂焉
芍藥開時紅滿街青枝掩映美人腮家家買得齊供
養一日佛前換一回

其二

棟花風過曉烟清夜夜輕寒日日晴莫道今年暑太
晚已聽一月賣水聲

其三

小巷逶迤露曲房榴花如火照門傍烏紗紙扇遙遙
見翠袖羅衫個個藏

其四

一溝流水一街風青杏全無半點紅莫怪深閨頻出
買芳心多在齒香中

其五

相如曾典鵲鷓還。喚說歸來少酒錢。待得黃昏燈火後。半身齊露綉簾前。

其六

誰家女兒茜紅裙。門外馬嘶伴不聞。綉巾翠帶人前著。羅勝砂囊背後分。

其七

南風日日吹雲開。寶馬絲韁滿面埃。紅粉女郎上廟

去。錦衣小帥驗溝來。

其八

小飲園碁散故遲。青樓紅騎月初移。燈前絃索簾前影。摠是羈人腸斷時。

過丁野鶴雙河菴。小飲縱談并道其。山中遇仙

事

高風散微雨。虛閣生夏涼。鐘鳴清楚畢。夜靜佛火光。僧眠古殿幽。餘音落渺茫。月出見二子。寂坐臨繩床。

復置一尊酒論舊心翱翔微言意殊深久之變荒唐
怪事驚僮僕燈下列成行讀書何須多所期在難忘
山經與穆傳會意何其長空林有木客吟嘯聲琅琅
交游厭常士仙鬼喜清狂夕露下前除滿浮盡君觴

徐闇公過飲贈之

擊筑休尋燕市行共將尊酒盡平生晚雲欲起帝城
壯微雨初過夏木清憂世方思王景略論交今得鄭
康成高歌日暮看長劍四座迴風變羽聲

題丘子樹廩下美人圖

遠夢蓮閨冷閑堦藕覆移青眉畱夜飾紅樹入秋思
鏡聽時時解衣香處處疑偏多惆悵事低誦定情詩
戲贈友人新姬

無語曉燈遙爐香繡戶烟新粧衣袖潤獨坐性情全
身小難分影魂輕易著眠私同女伴笑何用使君憐

畱別丘子廩

官閑常閉戶斗酒與君期舊著潛夫論新評幼婦辭

清止閣詩
小言仍欲諱大隱莫求知祖道何蕭索桑乾日落時
答別卜个臣

晚風燕塞意何如更莫躊躇嘆索居君擬文章多晉
代我歸丘壑似秦餘知名豈必交常士懷友但須讀
異書遠水夏雲頻悵望已將歸夢逐樵漁

出郭復次前韻

清時六轡更安如驛路漂搖少定居諭蜀豈勞宣漢
意陳風未可比周餘程生此日方嘲客關尹何人畱

著書駱馬脩途長夏過故山聊復問佃漁

雨

濛濛猶未已行邁竟何之暮失酈亭水秋生督亢陂
遙村隨樹沒近隴受波移禾黍蕭條色風吹班馬嘶

自河間至濟南途中作

征夫不可止出郭無安行舊墟豈復識敗垣猶縱橫
或存一兩家慘淡晨雞聲早烟荆柘暗晚炤嶺谷明
茫茫阡陌合茂草亦不生大路惟蒿藜寂寞遠古城

昔年車馬途先驅勢若爭鳥獸皆新長見人踞弗驚
初秋林木翳遠聽蟬悲鳴攬轡再三嘆周道何時清
沃田遶巨宅大字署其隅誰能受之去官仍給所須
今人何其廉昔爲羣力趨蒿萊廢天意久旱始沾濡
曠野烟火微夕陽依山孤舊市豺跡交白日鴟鷂呼
壯邑皆荒涼何暇問村墟此徑得偶通豈敢恨榛蕪
黃昏哀角聲行客尙艱虞愚民昧禍機反覆乃湏臾
明時方勸耕竊伏悲爾徒

過敝郡偶憶周穎侯有青州道中之作至都見

示遂次其韻

檐帷臨夕照海上片雲還氣色遙分岱樓隍各映山
晚蟬清節里秋樹穆陵關獨有夷吾烈時危未可攀
有贈戲東友人

霄涼疎樹隔繩河砧杵寒城處處過因到別時憐影
小每經見後覺魂多閉持趙瑟休言怨去對周郎應

有歌作賦年來頗自諷茂陵秋老柰君何

書京山行

嵐氣遙相接秋來共渺茫因過大峴嶺頗憶小山堂
溪折依巖盡林開落炤長時聞樵響度古樹晚村涼

新雨中游洗硯池上有古寺即逸少故宅

清潭秋至半殘荷入暮風吹此一阿氣沒高城非藉
雨涼侵遠岸不成波人看晚節書方伏知有各山地
盡過聞道烏衣遺巷在中原今亦渡江多

客程愁未已寒雨霽難期片石皆成礮疎林已暗移
山光分霧散虹氣射雲危枯樹郵亭夕秋聲自此悲

清止閣詩

籠水趙進美韞退著來

宿郡城作

艱難海表此途成父老礪聞車馬聲歲歎王人多貴

簡秋來山木有餘清高丘日炤蕩陰里殘壘烟生廣

固城欲問吹竽十萬戶連宵寒雨聽雞鳴

病中閑咏

雖適初歸意能無遠夢勞曉雲山澹泊秋氣夜蕭騷

清山閣詩
寶馬魚油障新絃鳳尾槽因思與爾隔長抱灌畦槩

其二

勞役雖能病予懷多所違夜涼常秉燭午睡更求衣
山意秋方定林烟晚自稀小樓孤眺遠日日至斜暉
共三
伏枕蟲聲急虛庭雁影迴豈能憎藥餌但恨遠罇罍
烟起秋原澹溪明夕炤開頻思策杖去緩步過林來

其四

微波澄遠浦雲氣發幽岫欲載游山屐新成處士衫
風塵傷短髮雨雪咏長鋤但去高峯上悲歌亦不凡

秋日病後獨游溪上偶憶孫介黃次其見寄二

詩韻

古墟霜冷木蕭蕭壑氣溪聲晚更驕避世功名秋社
過暮鐘風雨故人遙蒼烟遠澤生陰火返炤高原見
野橋游事輞川多病阻滿園衰草屐痕消

其二

短衛西風憶 帝闈舊游空 自指遙津闕 窓高卧人
猶晉種豆 哀歌聲是秦 寒雨入林秋 稼畢孤城經亂
戍樓新思君 欲寄閑居賦 青女霜前有 雁臣
古賦秋閨 木蕪蕪 塗炭 窮 烈 寒 寒 寒 寒 寒 寒 寒 寒
虛幕孤燈 肅高堂 衆響殘 河明秋杵 遠霜急 暮鐘寒
路遶闈中 夢衣來 塞上看 征夫驕 且樂思 嬾莫長嘆
風塵其二 且其 且其 且其 且其 且其 且其 且其 且其
雨止紅閨 暮霜前 白雁飛 秋來同 對月書 至未言 歸

此際裁縫 歇何時 征戰希 嬾年盡 闈夢不 盡在金 微
齋中郎事

高齋久寂寞 門巷盡寒苔 舍後酒初熟 籬邊菊未開
閑雲晚易徙 鐵鳥雨還來 落葉何時定 暹碓更欲催

河決二首

竹箭安流 久弗移 寧關伏雨 渺難知 求薪不 屬人將
罪湛壁無靈 巫有辭 午夜澹烟 收燈火 女墻寒 浪映
旌旗應 逢海若 驕秋水 已勝中 原十萬 師

其二

秋雨蒼茫散濁河
高城冉冉入礪波
時清應見神魚舞
亂久忽傳瓠子歌
故殿豈能留碧瓦
殘黎猶自抱霜戈
漢廷何日遣堤使
聞道淇園竹尚多

冬月過山中有感

林端獨往客
遲聽隔路鐘
歸鳥入殘雪
晚烟生遠峯
巖鳴分泉瀑
石靜出松風
聞有鹿皮子
時艱豈可從

其二

暝色孤村路
蕭蕭枯樹前
群情依晚炤
冬意在輕烟
林轉遙通谷
溪窮更得泉
狂歌如可老
惟憶接輿賢

田家冬日雜興并序

前入咏田家詩多道其春秋作苦鋤獲征輸之事未嘗及冬日也頻年傷歎今幸稍豐予適居鄉里家世知農樂觀稼畢祝雞灑酒自以為娛

田家冬日詩五首

北風吹茅宇
小春應微緩
比隣機杼鳴
平疇麥葉短

清山隱詩
初日聚童稚。坐臥雜雞犬。屋梁懸衆耜。寂寞歲事晚。
石寒溪流激。雪霽燒痕淺。疎林不隔烟。冬野能見遠。
飛鴻顧前渚。饑鳥噪空坂。嘯侶登東臯。暮遂樵聲反。

其二

仲冬多良辰。玄霜澹園圃。新酒鳴槽床。遙春暮能數。
今歲幸少豐。饘粥聞笑語。田家事事難。餘力幸可舉。
夜聽簫鼓過。西隣方嫁女。泠泠老僧唄。傲傲村巫舞。
古陌走兒童。社鬼飽雞黍。衰柳負嚴風。密霰兼微雨。

粟鳥競暗棲。孤燈出高樹。寒野曠無聲。獵火炤柴戶。

其三

漠漠積雪中。風吹衆山立。曉空雁字斜。天靜遠烟白。
雲沒哀響盡。日帶寒影急。茅屋三五間。蒼巖爲四壁。
皆值清澗轉。各受脩林延。老翁簷下曝。農婦窓前緝。
霜際見蚤樵。水聲聞夜汲。是時感歲去。閉戶共偃息。
剝啄過隣臯。濁酒共今夕。疎籬隔野色。濛濛嵐氣濕。
歸鴉暮復多。田舍豈能寂。

其四

雲氣歸遠山。空原驕水雪。初日入寒林。回風鳴枯葉。
粟村集網罟。野燒尙明滅。農夫有意氣。常因田事屈。
豐年多閑暇。斯時復凜冽。荒旱既羣發。危嶺或獨越。
遠近響相尋。谷靜晝蕭瑟。疑狐與狡兔。倉卒無安穴。
奔走力所獲。餘技安足設。歸來庭戶暗。稚子燈下列。
聞聲驚出看。委地笑枕藉。天晴新月澹。牖冷星光射。
何用解劬勞。隣郎酒家宅。

其五

星盡曉色分。日出飛鳥外。高枝殘雪墮。寒村散微靄。
田家門始開。籬落聞犬吠。草際風未定。樹杪霞猶在。
方見牛羊群。一一遠嶺背。農夫倚杖立。默默念卒歲。
鳥雀鳴階前。兒女笑窓內。入口飽新粒。未冬完官稅。
皎皎清溪水。颼颼幽林籟。板橋無屐跡。靜與草舍對。
時有舊隣來。拂石坐相待。

游黃紅峪

清山隱詩
嚴冬方凜慄緒風沐寒疇空林依積雪寂寞發奇游
暝色入鴻濛巖靜清潭幽微雲翼孤峯素石鳴潛流
絕壁無晦明日夕蒼烟留嵐氣何處滅時見歸鳥投
陰壑雷雨古山光草木收苔潔含晨水返炤披暮丘
衆岑相波濤渺如漾輕舟

漁陽

海色平臨碣石懸漁陽日落見寒烟營邊片角龍沙
月馬後雙弓雁字天遠道羽書方計日中原牛種尙

無年傳聞衛律今猶貴意氣黃雲萬幕前

悲清源

清源水落霜氣幽錦纜素榜芙蓉舟綠窓氤氳開朝
鏡紅樓夾岸垂銀鈎可憐趙舞隨秦謳阮咸聲盡聞
篴篥但知結帶房中曲誰識飛沙塞上愁邊風一夜
吹芳樹簫鼓初停栖鳥語蒲城羅綺散晨烟寒水無
聲流不去焉支山下雨冥冥蘆管悲笳竟日聽自掩
朱絃對漢月空留青塚滿龍庭

獵騎

獵騎名城下邊塵萬里通
遙傳左當戶更入右扶風
馬首平原黑弓衣落炤紅
頻將綺陌泪迢迢對哀鴻
城望
颯颯空疇霜葉稀冷烟返照
自相依山中千騎無聲
過樹杪寒光片片飛

其二

野哭遙隨落木聲
北風戎馬夜連營
微陰滿目沙塲

色一雁寒飛自草城

其三

處處飛塵野色黃
千家掩泪望天狼
孤城半夜悲風發
不辨星光辨火光

陣雲

陣雲遙出沒飛鳥一時還
驕馬依風健牙旗背日閑
寒陰生衆樹暝色失前山
殺氣蘄沙裏蕭蕭龍雀環

天地晝蒼茫，兜鍪耀遠霜。
戰塵隨晚照，兵氣入溪光。
雪濕解弓勁，風吹画角長。
登高遙指顧，知是左賢王。

其四
積雪黃花戍，寒沙青海灣。
屯營遙擁日，輕翼靜連山。
馬怒知風急，城危喜士閑。
鳴弓同慷慨，數石亦能彎。

遠翠
烟冷樹婆娑，悲風日日過。
星門經雪靜，羽隊向林多。
馬識征人語，柝依戍士歌。
登陴難遠望，寒水起微波。

其二
草色接天末，雙旌散遠陂。
畱犁駁後繫，感築壘前吹。
寒日乘林斷，愁雲逐陣移。
依然野色裏，數里見茅茨。

魯殿蕭條萬騎騰，龜蒙寒色不堪登。
旃墻月落單于

壘獵火風吹少昊陵
鼠舞庭中人欲盡
雕盤戰後雪難勝
荒原白草臨斜照
賓客淮南舊日稱

其二

營頭孤日照魚囊
城上斜風落雁毛
誰執大黃朝矢盡
愁看大白夜星高
王孫猶佩珊瑚玦
老上偏矜逐路刀
舊是諸生縫掖地
豈能秣馬具銀槽
水鼓聲聞敵樓同
孫介黃夜坐小飲作
埋坭迴風發中霄
鉄箭過感時吾輩
晚憂亂古人多

夜氣生哀角寒燈散
画戈誰知丘壑裏
共聽隴頭歌

其二

柝冷聲難起
高城霜氣平
憂危何日定
慷慨此時生
誰唱丁都護
人傳李少卿
黃雲連倚檻
旄首夜深明

其三

節序頻相憶
漂搖各惘然
寧知歲暮酒
同對女墻烟
兩雪聞笳後
關山秉燭前
故鄉亂未已
更賦遠游篇

其四

大息將何徃行藏與子安風塵爲吏拙兵甲置身難
画鼓霜中急危樓雪後寒遠天多慘淡惟辨斗闌干

除日作

入暮愁聞起朔風悲歌椒酒映樽紅誰人鳴劔伊吾
北連歲饑民大小東虛擬短衣方看射何妨輕策竟
從戎荒原鉄馬驕騰地草木寒依夕炤中

其二

山城積雪晚方幽鼓角星高出戍樓烽火天寒連大
澤槐槍宵暗擁之罟邊聲千里春猶壯朔氣三冬夜
欲收親見材官能脫冑寧無猿臂慕封侯

偶過范泉

風日今晨定山烟盡作春艱難郭外意珍重亂餘身
溪色分晴遠城寒借柳新清吟同倚杖幽磬更依人
人日飲孫介黃敵樓

層陰返炤晚冥冥寒色危城晝自扃氣散西山千雉
入風連北渚片鴻聽牛羊夜徙穹廬黑冰霰春驕燧

清江隱士詩
火青萬井蕭條人日過凋盤彩勝雨中停

蚤春城上大雪戲作

笳鼓高城落晚烟北風吹處即燕然中男取瘦安能
戍小婦畱歌應欲眠銀戟寒深青幟下玉門怨起画
樓前河橋楊柳無消息虛報欽頭燕子偏

觀儺

共舞熊皮艷遙分羯鼓圓亂離悲喜後風俗歲華前
晚箔家家月春衣巷巷烟更須催急管併過落梅天

上元小病偶成

冶游何處見戍火接遼山令節干戈裏餘生藥餌間
幽懷隨歲減素月向人閑榻靜聞疎柝迢迢夜夢還
上元答高慈佩見寄之作

鐵騎尙憑陵星高夜不澄應無千日酒欲負百枝燈
舊俗愁中失孤城亂後登一丘堪避世皂帽憶吾朋
十六夜

星毬火樹炤初春鵝管賜絃事事新歌易流連沽易

醉干戈乍定作游人

其二

彩燭清烟漏未央
画橋宛轉月如霜
豈曰憂亂頻耽
酒但喜今年是故鄉

其三

剪剪條風夜色清
微雲片雁動春晴
共看月下綺羅
影無柰城頭鼓角聲

十七夜

遙傳烽火夜深看
漠漠層陰戍角殘
數點寒燈微雨
下不開人意欲闌珊

十八夜

紅拍青觴寒不消
纈冰麗雨柳絲搖
画簾歌舞無時

厭更進金錢買此宵

長城初春城上二首

孤城寒日照林長
薄暮飛鳥避女墻
遠見白榆通紫
塞應無玄鳥報青陽
雲中故守名今盛
灞上新營旗

畫揚六郡少年多意氣解刀縱博酒胡傍

其二 臥林身藹慕深鳥 幾丈寄處見白餘

牙旗風過橐駝鳴暝色初開孝婦城獨發雙砧郭外

靜遙臨千竈雪中明角嚴鼓壯春難入星動天垂夜

未平自倚危臺歌獨漉劍緱虛映曼胡纓

有感

馬鳴川路轉晝羽映凋弧露布何時盡田家日欲無

雲高鳶井沒雨闇鬼車呼籬落炊烟少遙憐返炤孤

其二

援師非不早鉄騎自駢駢來往山田熟流離雞犬稀

鼓吹十日飲烽火數重圍候卒時時遣村中莫掩扉

其三

巖棲蕪穴隱轉徙復紛紜雪盡石方出燒殘草未分

驅雞呼稚子荷鍾避官車亦識嫖姚貴征鼙不可聞

其四 分前

獨戍冰霜勁雙鞬道路雄時惟山可買人羨甲宜裹

清山隱詩
淚泗忘城北遨游度市東登高堪發憤羊角起晨風
聽小伶簫笛

春宵漠漠淡雲明虛閣微風簫管清半是受降城外
曲虛疑楊柳此時生

其二

海上春來正合圍寒陰黯黯雪霏霏樽前莫遣吹長
笛未放城頭戍卒歸

清笳

皂尾旗明大野西黃沙腓草氣淒淒村餘茅屋烟難
起樹積寒雲日易低馬掠高林如燕過鴉藏幽壑作
人啼蕭蕭遠聽清笳發已聚牛羊數萬蹄

盧龍

牙旗遠指丈人峯十載金珠一騎從瘦盡明駝行不
急可能四月過盧龍

洞戈

雕戈空說羽林兵毳幕新開君子營夕望狼烟交臂

清山閣詩
過虛勞白羽日相迎

列營

落日雲門靜列營
山色間風摧鞠室
小雨散矢房班
羽扇春堪執牙
擊暮自閑椎牛
仍草檄共道出車還

隅林

隅林吹角落晨星
飛矢遙鳴表海亭
此地雙牙開虎
幕平時諸將說
龍庭密通戰道
塵難息靜負城
陰鼓未停但說嫖
姚能蹴鞠悲歌
空向寶刀聽

寒石偶出郊外

从失河干路初成
寒食晴蚤年郎
喪亂何物是生平
曉日村村燕微風
葉葉鶯悲歌
聊醉放共對李花明

寒石偶出郊外

河上垂楊綠漸高
城邊青草短於毛
花門小隊如風
雨誰見哥舒
自帶刀

觀走馬

愛遠清溪炤紫驪
溪邊垂柳暗紅鞦
遙鳴金厄東風

起無數飛綿撲臂講
偶至別墅

蚤霞脩林端雨止景初豁
旭日動遠陌白雲炤川末
單椒近自妍新草綠方闌
壘壘紅泉鳴弱荇接流沫
栗雷喜獨嘯莫放絃管聒
迢迢懷靈岫嵐氣靜可撥
平生垣步心每爲憂患奪
芳樹映清溪塞馬曾此秣
我憶劉越石抗憤志難遏
今日臨青樽莫呼紫叱撥

村中酒家

孤村寒雨燕飛遲
炤水臨橋柳數枝
莫道醉人非瑞
事今朝初見酒家旗

新風送孫介黃赴撫寧
聞登臺刃冬美冲與疎雨
垂楊遙憶塞垣春
滿目鳴笳戰後塵
未釋兵戈輕去
土身經離亂
易憐人幾年安攘
思中策自昔憂危出
小臣應念故園蘿薜色
南風邊草亦爭新

蘇齡年來換紵衣
愁聞征路向金微
火看戍火邊愁

淺初得豐年訟事稀。碣石潮回知雨過。驪城春盡見
鴻飛。漫言長組終堪試。梁傳從前太息非。

小引家園作

世亂雖多感遠懷。紛無托初晴麗日長。策杖共行樂
新花如爭妍。依依勸春酌。草明燕影回。柳動鶯衣掠。
條風起微寒。海裳炤綺閣。登臺吹參差。仰嘆紅雨落。
更效鴝鵒舞。莫惜鷓鴣杓。一座既盡傾。千場當縱博。
高會尙裸程。卽事貴盤礴。幽憤與達生。古人皆不作。

茲時何艱難。幸免怨漂泊。初值干戈定。愈覺天地廓。
行見青帝去。綠樹陰成幕。月出復畱連。嚴城聞哀柝。

星黃閉日示友人

天靜萬峯含。高樓入曉嵐。竹聲流暗壁。鳥影下空潭。
烟水披裘老。風塵岸幘談。濁醪當共醉。歸去臥僧龕。

東星咏畫

繩床閑逐樹陰移。偶聽鶯聲落子遲。古寺斷崖臨水
坐。山僧亦愛少陵詩。

閉夕

徘徊望皎月戚戚中無歡露下芳樹清風依素琴寒
衆星燦相倚攬衣獨長嘆夏潦無澄流高雲何其難
孤烟橫林際鷄聲出夕郊遠望何寥寂虛閣如危巢
星漢納輕雲渺若衆波交寸心在千里四壁徒躑躅
徙倚氣蕭森薄暮初過雨高天澹無聲長河漾幽渚

其三

夕露被閑除孤桐意清舉涼吹來不已何用慕儔侶

其四

清颺起樹杪棲鳥時鶻鳴窓虛見月入草色三徑平
高咏何足貴古人有微情歛襟自逍遙冉冉孤雲明

端午日悼念亡弟欽叔

孤鶴飛歸更不畱重懸新月蕙帷收悲風浙瀝頻吹
樹積雨蕭條欲作秋虛說長絲能續命閒尋幽草未
忘憂白鷗青浦蒼茫遠郭外寒烟澹自流

畫竹青嫩春水盈
記得君山古廟前
沙鷗如雪水如天
數叢惟在蒼崖下
風雨總晴便有烟

荷

溪邊歌起妾曾聞
雙槳行舟破水紋
折得荷花皆帶雨
不知濕盡小姑裙

溪上晚歸

雨後泉聲急雲開
落照微游魚方獨出
栖鳥復爭飛

水氣秋浮徑林烟
晚動衣郊原有遠
毗閑逐片霞歸

別墅作效晚唐

十里嵐光烟後新
蕭蕭灌木沼溪濱
青鞋短杖尋山誌
白石寒泉隱士身
斷緒蟬聲草閣雨
高伍驢背板橋人
北窓柳色風吹入
薄暮雲歸浦四隣

畫荷

雙鷺飛來攪水渾
逶波荷葉大於盆
再添茅屋臨脩竹
便是江南雨後村

獨游

壺觴聊自往危石映荒丘林臥時鷲鳥溪行欲近鷗
巖垂聞水立樹靜見烟留清景多遙思歸來擬四愁

夕望

東臯聞獨嘯陌上晚霞稀樹接青絲騎溪明白板扉
淡烟侵竹粉素石護笞衣沽酒初收釣蒼嵐遶郭微

漫興

遠望意與孤鷺飛自愛荷瓢入翠微一斗徑醉簞簞

谷十日高岷薜荔衣青林有月留禪榻白魚隨波上
釣磯槿籬雨後收藥甲未覺平生與汝遠

古意

幼小解秦聲燈前銀甲行欲知上客意聽問曲中名

其二

類聞催鳳管不聽抱檀槽豈識新聲貴欲令纖手高

其三

歌起銀箏緩酒行玉珥寒周郎今夜醉雖誤不曾看

共四
其四
其五

四座盡朱顏。獨知君王半。調絃那得誤。偏欲近燈前。

歌罷拔金釵。自理博山香。含嬌若無意。不似在人傍。

綺屏炤綠髮。舞席接紅巾。得酒伴不飲。隨意取人嗔。

寂寞烏皮几。從容自接籬。草涼隨杖遠。柳暗聽蟬遲。

竹喜臨溪靜。山當欲雨奇。衡門暮不掩。農事滿東陂。

野人家
雨足初收菜。甲肥自雲篔。外未能歸。遶林禽語無人語。

薄暮開門雙蝶飛。
偶至南城外

長日柔風木槿開。杖藜隨鷺共徘徊。高林晝靜多清響。

更聽幽泉林外來。

夏日范泉

卷下

三

清酒遙尋野樹香
鵝巖烟後漸蒼蒼
十年馬跡慚幽磬
六月蟬鳴在草堂
雨接泉聲揉竹色
雲含日氣作山光
方塘影暗流螢起
遶座桐陰引夕涼

獨臥

閑闌虛窓接遠嵐
漸移晚炤入清潭
避人矍鑠青筇杖
對酒蕭條白石菴
居有高懷游易助
病多幽意臥能堪
日看仲蔚園中色
塵尾風吹未欲探

待月

欲作涼吹應遠泉
幽林露下漸無烟
今宵明月清溪隔
不在橋邊即石邊

格

高梧連眾色能使月光分
臺上秋難倚寒聲寂早聞
送高鎮青葱佩兄弟計偕北上時予亦將赴

雨寒關

未嘗日飲寒水自輸對無效
閑窗有燕空飛
垂楊驛路画橋烟並上
公車兄弟賢雨止金臺秋冉
冉月明銀海夜娟娟
高樓玉笛星期後別巷清砧雁

信前拒掌逢君雙闕曉懸知先見墨卿篇

野園

雨痕徑未消日炤菜花白籬門無故開傍有鹿行跡

其二

澗外雙蜂歸竹末孤湍瀉雨意四山來風鳴榭葉下

得高慈佩書云將買小舟北上可飽天津紫蟬

矣戲答之

柳拂微波兩岸蟬白鷗閑映孝廉船霜螯如玉何足

語少婦壚頭工數錢

白雲泉

猶借危岑勢獨宜幽者聞色侵寒石靜聲自亂雲分

晴動蒼蘿徑秋生白鷺群壺觴莫早返畱看月紛紛

其二

奇雲吐縹岫遠似此泉光但在溪聲內同分山氣涼

風烟接瀲灩城郭入清蒼前浦孤峯下森森魚鳥鄉

偶作

善戲謔

司馬倦游善病黔婁閉戶常貧古云歌可當泣臣本
少不如人

田園五首

寒流薄暮兼雨獨樹平蕪有花遠與白鷗結社近
青壁為家

其二

美服豈堪人指縱飲不為獨醒夜雨觀彈碁譜曉窻
著相鶴經

其三

流水浮雲物外條桑種杏人間不厭溪頭白鳥高眠
窻際青山

其四

入戶葉聲謾謾遶村山雨霏霏鳩鳴屋角未去鴨放
溪邊自歸

其五

蠶老麥黃時雨瓜畦蒹架間風杳無名拖蹇更微有

事祝雞翁

先生去義皇上人也

有贈

冰絃銀甲相尋羅襪燈前不禁含辭欲吐未吐此際
有心無心

戲作

車馬雍容甚都夫婿業業有鬢不識壚頭卓女何如
陌上羅敷

其二

宛轉但廻一笑殷勤何用千聲試問大夫射雉何如

小婦調箏

艷情

嫩娥竹蕩翠幕娟娟蝶過紅樓相隔簾櫳不語惟聞
風動銀鈎

閑居

踪跡非官非隱田園半郭半村蓬蒿滿徑謝客雨雪
經年掩門

風流可愛

滿院出

塵

幽秀以玉

溪

其二

妻勸不妨止酒客來惟有丞壺但可開呼鹿鹿何須
高唱鳴鳴

其三

科頭應人不可閉戶與拙相宜茅舍臥聞微雨石床
風拂殘茶

溪上雨

盡是空濛裡猶宜寂寞游水烟寒失岸禾黍暗成秋

峯壑同分響溪天相接流鐘聲獨不隔晚樹一城幽

園中小飲

微雨荒園動薜蘿酒明苔暗影婆娑三升以後言猶
放十畝之間秋未多幽樹近知青嶂失短簫高入碧
雲過藥欄螢火飛相炤門外泉聲欲作波

秋夜效温李

蓮脫紅衣夜未央高秋窈窕白雲長星搖荇藻芳溪
靜露引萋萋素砌涼欲啟金籠圍蟋蟀漸收紈扇冷

清山閣詩
鴛鴦誰家刀尺啼眉下。片月初侵玳瑁梁。

孤興

未將蠟屐與人期。窓接青山臥亦宜。短袖風嚴聞隼
處。高城露濕見螢時。中宵憂亂貧無累。小病杜門澹
有思。秋色確田皆種黍。常收梧影入清卮。

野眺

天末雲開鷺鳥呼。遙隨斜日掠蒼蕪。烟通墟里寒無
定。秋滿郊原山未孤。積雨波迷幽渚鷺。枯楊風散女

墻烏。金砧晚起傷寥落。清酒新亭欲自沽。

山中路

秋意渺無際。長林漠漠風沙明。雲影外人靜。草香中
屢折溪流變。初寒山氣通。鳴蟬聽欲靜。飄泊戀幽叢。

陽丘道中

微雨度沙洲。蒼嵐澹未收。人分魚鳥夜。天入稻菰秋。
水國寒猶靜。楓林近自幽。誰能隴首望。搖落接澄流。

歷下

清山閣詩
晚木盡森森。鵲湖秋可尋。露垂菡萏冷。雨沐薜蘿深。
水自鷓鴣下。苔明絡緯吟。頻憐華不注。清夜夢登臨。

濟水

橋上孤烟斷。天高野色開。晚嵐浮月出。夜舫載秋來。
城冷蒹葭暗。風清鶴鶴哀。蕭蕭聞梵響。幽影散莓苔。

禹城

僦市頻呼酒。仍存舊葛巾。舖糜能傲世。說劍莫因人。
病馬關山骨。雌風閭巷塵。征鴻堪結侶。烟雨入秋真。

桃園

孤虹收碧渚。斜日在秋原。茅屋牛羊氣。炊烟桑柘痕。
遠禽落似絮。亂阜列如村。晴雨田家事。迢遞舊瓦盆。

德水

高樓流火意。戍角向秋心。画舸依鷗遠。歸雲帶雁深。
晨風游子響。落月女郎砧。何處銀床暗。踈螢漸欲沉。

少年

結髮事嫖姚。繡衣感紫綃。臂鷹霜後健。射鴨水邊驕。

清山隱詩
燭暗彈碁路荷香飲馬橋青樓隨意臥不用暮將朝

景州

荒旱動野色颼颼在霜前白日城陰雨清秋塔影烟
饑鷹遠擊樹老鶴暮橫天野哭時能息凋傷不足憐

阜城

漸覺昏鴉少悲風自此興荒城寒起柝板屋夜呼燈
廢市皆藏雉鄉人但見僧不堪策杖出高阜舊曾登

獻縣

曉露洗秋痕疎烟辨遠村叢林大火後寒雨滹沱源
短褐十年餘幽鴻五夜搏放歌兼太息當與酒人論

河間

炊烟入暮欽女堞宿鳥悲多病馳驅日清朝憂辱時
杵凉白雁月角列黑山吹塞上遺民返庭傍見旅葵

任丘聞擣衣

少婦最驚秋風吹網戶愁聲調織手換妾減草虫幽
雁下蓮房冷鵲飛梧子綉玉關安可見刀尺更登樓

天雄公詩飛林于嶺送...

飛鷺隨雲落。微波舊浦移。漁罾寒映草。野艇短依籬。

暮柳紅橋路。秋風白小時。明霞遠可望。惟恨雁參差。

新城贈客與...

落葉向宵嚴。玄霜短檐。秋懸積裏月。病下市中簷。

秉燭壺堪碎。辭家笑不黔。夜馳款段去。來覺觸青帘。

繩河下...

湘簾繩河下。流黃織未停。帶寒秋有露。瑟曉夜無聲。

鴨臥葡萄帳。蛩飛玳瑁屏。飲牛津畔望。應見使臣星。

忽作故鄉思。北來山色清。馬蹄分異域。桑葉落邊城。

霜澹天鵝咽。秋高河鼓明。今宵蕩子夢。并入搗衣聲。

青樓西...

高樓南陌上。自比秦羅敷。香勝垂腰綵。紅紗覆唾壺。

夜屏藏格五。朝睡厭樗蒲。狂婿驕馳射。何如賈大夫。

不寐不...

...

夢歸何足慰亦覺遠難成落木啼蛩急虛堂過雁清

飄零錦瑟恨風雨莫邪鳴萬感誰能辨荒唐摠不平

長鄉微雨出秦錄楚香初垂翠絲涼

盡濕紫游韁西風代馬涼鷗迷懷遠渚雀冷聚枯桑

秋氣浮城動邊聲帶雨長深閨愁見月不照鬱金堂

桑乾思非

桑乾收宿雨返炤下林端身手萌方健篋篋趙女寒

屠博游皆倦詼諧仕不難朝衣自可典惟戴鹿皮冠

機娘

羅裙新月涼愁思罷縫裳買轡薛東市鳴機在北堂

飛蛾遶夜燭促織上秋床暫有停梭處裁書寄白狼

無題博慈

弱似行雲靜似花滿簾新月炤琵琶柔寒自遶茱萸

帳曉露時沾杏子紗一夜凋傷烏臼樹十年零落碧

油車燭殘鏡暗能無憶已是前身萼綠華

不請其二

不語傷心明月燄紅窓夜夜恨鳴雞虛憐繞扇秦王
女自是銀箏蕩子妻飛去畱仙無片帶粧成獨忿有
雙犀別離曾聽龍香撥暗拂朱絃落玉篴
其三
記度新歌勸綠觴長鄉墟畔善和坊畫添嬌夢宜男
挑夜觸輕寒響屐廊雙槩何心向春水單衣今日是
秋霜懷中溫玉朝來冷惆悵西風燕子梁

其四

芍藥詩成在水滸梧邊画閣竹中池曾通密約濺裙
處乍露清狂躬覆時月染凋籠調雪女泥沾羅袖作
花師綠熊不煖銅鑊起欲問當年來夢兒

其五

日長曾繫護花鈴檀板銀槽夜未停被酒微行簾下
見懷人細語夢中聽窓閑雨入歲粧鎖月澹螢歸屈
膝屏并是新來惆悵地無聊自寫種魚經

其六

花映雕欄夜炙笙。画樓銀燭照初晴。娟娟素襪侵霞濕。切切紅絃帶月清。因索指環知密意。願爲衣領是閑情。烏絲欄上分明記。自向幽窓錄小名。

日昃帝城早秋

纨扇深宮冷。石鯨暮雨收。波明鵝鵲觀。星動鳳凰樓。青箔銅池淨。梧桐玉腕幽。夜長憐蟋蟀。年少解箜篌。紫帳芙蓉額。清溪菡萏舟。遙連安樂第。舊數富平侯。促柱彈盧女。新詩贈莫愁。苔衣侵網戶。柳葉落羊溝。

流火征夫怨。裁書少婦羞。榆關縱不遠。砧杵豈堪秋。

寄孫介黃撫寧

舉目狂來欲浮天。蒹葭滿目方蒼然。待詔不及朱儒飽。折腰安得小兒憐。病餘漸喜秋有月。客至何妨坐無毡。橋頭貰酒與君醉。猶憶盧家十三絃。

其二

卧病懷人桂樹殘。漂搖空見勸加餐。長安米貴居何易。彭澤秫收醉不難。地接玉門人自壯。風回金埒馬

能看倦游我憶歸耕好但著山中桑葉冠

中秋無月

素蟻浮杯竹影涼開門燈下有啼螿蕭條自作尋常

夜不使羈人憶故鄉

吳子遠寫歸舟離緒圖見贈

鄉思夜夜滿秋窻蟋蟀驚寒近玉釭何事君歸復惆
悵布帆一夜秣陵江

徐闇公李舒章吳子遠高葱佩過雪鴻齋小飲

主始作

幽士悅秋草寂寂林下宅雨聲昨夜深開門無馬跡
披襟對高牖寒竹倚素石靜友時偕來秉燭坐良夕
抵掌發清論反覆心所適纖月自能照餘樽安可惜
慷慨紀亂離悲涼感疇昔歸意在漁釣疎榛炤荒澤
共聞朔鴻過雲動長河白

高秋曲

高秋耿耿浮雲明紅霜夜覆銅池清羽林少年無名

字凋弓初燥銀鏑鳴飛鷹落葉時相見壯士不愁吳
鉤礪丹楓短草自寂寞流黃刀尺無深情金風入戶
玄燕去始覺寒驕北斗城

秋夕咏悲涼風初書賦意
絳緯秋啼清砧斷遠瀉繩河向紅幔金刀素腕當窻
人一夜玄霜滿銀蒜南風吹袖龍笛巷女牆宿鳥依
寒枝誰能相隔不相憶誰能相近不相知玉堦涼月
生微瀾曲欄梧葉聲珊珊東方曼倩高自譽願娶少

嬾居長安

雨後閑雲映遠山
遠籬黃葉水潺潺
故鄉風物常堪憶
何待歸鴻白露間

昔前飲高葱佩邸中
素友非頻至安能不憶鄉
閉門因我醉薄祿減君狂
人坐書籤亂空牀藥物香
道經方借錄何日可休糧

飲鍾一士邸中

他鄉秋易暮，惟喜與君鄰。
尙覺晨昏易，何妨笑語真。
交游非世法，出處有前人。
風雨同沽酒，狂歌鳥角巾。
歸夢
堦前孤鶴欲蘄霜，落葉蕭蕭秋漏長。
更怨曉風吹不定，依稀惟記白銀床。

偶憶
纖腰倦倚繡幃偏，新曲原從女伴傳。
羞使檀郎稱玉腕，燈前不肯弄朱弦。

思嬾
別夢何曾出畫堂，羞教明月照空床。
馬蹄日日歸期誤，客裏秋宵應不長。
青夜聞鄰家彈聲，
氤氳何用望容姿。
月滿秋溪夜有思，獨倚客窗聽不厭。
絃聲斷處是顰時。

同馮薇圃朱玉符壘下津飲方密之齋中
夕日下遠岫，幽風庭樹多。
燕市夜沽酒，狂客相經過。

既咏擣練曲復聞擊筑歌旅望入高秋憂亂思如何
歸雲千里靜人意徒蹉跎

昌平道中

板橋霜氣發疎舂遙辨空濛向遠峯白日迴風來朔
漠青山涼雨入居庸烏啼古戍秋聞角蟲弔寒林夜
有鐘郭外飲飛頻教射榆關聞道復傳烽

重陽日詣茂陵因經九龍池翠屏山諸處

返炤疎烟百尺臺玄猿幽草自徘徊山園大漠秋陰
起樹暗諸陵暮雨來玉殿龍池寒共遠金風雁字遠
相催蕭蕭松栢千峯下不信黃花此日開

其二

泉戶森森映薜蘿光搖石甲上微波衣冠寒近山雲
澹園寢秋連木葉多疊嶂霜明銀榜外鳴鴈風下碧
城阿道遙一夜空巖冷貝闕高開朔雁過

其三

丹葉離離萬壑幽并分山氣護明樓郊原淡麗邊城

清山閣詩
晚雲物高閑寢樹秋涼月乍生松影散諸峯不定澗
光收翠嵐常覆紅泉色去遠芳陂藥草流

賦得薄命妾

橋梁幽影散漣漪草勁溪嚴獵獵吹常見白雲留紫
殿遠分紅樹遠清池松聲欲帶諸巖徙石勢遙爭落
日危夕望山中佳氣滿溶溶水木自多奇

賦得秋夜短歌

高霞欲盡白日暮鈎闌蟲斷孤砧度遠天歸鴻過無

聲雲引疎星炤寒素明月自出街鼓鳴棲鳥礮飛擊
空樹誰家哀笛吟清商回風吹戶來嚴霜落葉冉冉
下素砌金鴨獨卧茱萸涼微波如縠動芳沼幾處芙
蓉夢中老不聞玉雁催幽絃空聽莎鷄泣短草如何
遙望不相思應是別離非此時

賦得薄命妾

秋山寒雨少薜蘿小字桃根應錯呼餘夢尙畱羅薦
冷嬌絃不動畫簾孤曾言昨日眉峯好莫道深閨手

瓜殊溝水東西皆有怨。何須陌上始踟躕。

山峇寄張霞標小字詩

漳水有寒波。高秋鴻雁過。燈前蟲語急。亂後客思多。
騷屑叢臺路。飄零趙女歌。相如貧未遇。君柰古人何。

春莫少年行

紫驕蹀躞垂楊陌。風吹羅袖桃花色。大婦流黃小婦
拳。朝飲城南暮城北。草短烟柔射雉時。握槊藏鈎人
不羈。但居鄉里自游獵。不願身屬羽林兒。逢君何用

問姓字。墟頭解衣與君醉。酒酣安坐錫鼓停。聽我縱
談天下事。

秋日偶作

悲歌莫擬西門行。避世欲作東方生。張華墓前秋草
靜。郭隗臺上浮雲橫。清霜滿地閉戶臥。莫問戶外車
馬聲。哀蟲落葉不可寐。更聞誰家彈秦箏。

答高慈佩戲贈之作

漸失他鄉思。相逢各盡歡。自緣歸未易。翻覺任能安。

故友分書帙奚童補藥欄霜螯與素蟻得此亦非難
祖道別張中柱

紫陌鷓鴣裘金羈常曲游砧高潞水月烽入薊門秋
慷慨三年字蕭條百尺樓離觴寒不醉風雪動吳鉤
霜覆清階木葉疎長安盡識草玄居憂時結客風塵
際灑酒懷人雨雪初七較玉門寒鴈少五陵銀海盡
堂虛石渠莫道談經貴涕泗能無太傅書

留別李舒章

北風落木散平原烽燧東連羯鼓喧天下皆知黃叔
度軍中未得李長源稱詩南國才猶壯談劍燕臺雲
未繁斗酒悲歌還起舞讀書何用數千言

涿鹿送別桑笈雲使秦

共捧鸞書出飛塵夕炤中檐帷十月冷烽火萬山空
樹暗慈恩塔鳥呼繡嶺宮無衣如有咏歸日獻秦風

書驛壁

繁霜古陌曉烟銷人跡鴻聲滿畫橋川路餘霞風浙
浙驛庭寒樹馬蕭蕭遠游江上楓初落小隱山中桂
可招脫帽城南尋斗酒客懷閑似往來潮

見獵者

畫羽銀戈意氣生教成獵犬聽呼名馬蹄短草長圍
含雉尾清霜小隊行遙散黃頭蘆管冷雙橋紅袖玉
鞭輕瓊廬日暮檀槽語林外猶聞俊鶻聲

途中作

衰林霜氣遠相含獨發征車向曉嵐帶甲滿地吾何
往枯樹與人並不堪晚歲雪霜侵短劍殊方風俗助
高談遙懷澤國荷衣冷歸結滄洲釣客菴

晚行即事

遠樹平沙月影新馬頭郵吏晚迎人相逢莫問長安
事落日章臺自起塵

其二

洛木山城畫角催歸鴉寒月共徘徊榆關烽火照何

清山隱居
處使者新從北極來

晚行

迢遞疎烟野色新。荒疇返迢接河濱。隔林寒犬聲如豹。遶樹歸鳥飛避人。水雪漸礪時序暮。亂離轉覺故鄉親。依依松菊衡門下。歸去陶潛有舊隣。

初望山色

山色清如此。况當微雪過。晚雲同澹漠。歸計未蹉跎。時向鳥邊滅。遙明樹杪多。莫辭薜荔約。堅臥舊巖阿。

行山中

馬跡殊鄉曉。荒榛片鳥投。樹寒高槩下。野潤斷蓬收。日氣烟中淺。山情雪際幽。歸雲遙可數。寂寞映林丘。雲爨飲酒放言。戩五園。寒莫自多。思。時。候。變。變。漸。眼。交盡賢良結博徒。玄談未已復高呼。冰霜冉冉江湖遠。鞞鼓紛紛天地孤。書劍嶙峋何所遇。酒杯跋扈不能無。神仙游俠俱寂寞。獨使揚雄稱壯夫。

有感

清山閣詩
目著山公白接籬寒林哀壑曉烟移獨餘縱酒猶宜
世未必談兵解救時辭賦激昂寧有托干戈飄蕩竟
何之莫陳古昔安危畧江左中原盡可悲
晚望
雲沒青天雁陣遲丘園寂寞自多思初歸鬢髮漸朋
舊欲去江湖厭亂離浦樹氣深寒共歛溪烟日靜晚
猶披衡門雨雪宜高臥藜杖春山近可期
鄭全嗣以長詩見投率答一律

草堂寒雨閉松筠長嘯仍存灑酒巾已作天涯偃蹇
吏暫稱林壑不羈人亦知張祜才名从更覺盧仝意
氣真頻向玄亭問奇字欲移三徑與君鄰

興味
滿庭殘雪掩深關短燭時聞飛鳥還未卜行藏憂戰
伐欲銷毀譽任疎頑官因落魄閑方合詩可逃名誕
不刪多病豈堪長物累擬將蠟屐滿青山
寄高慈佩庶常時予有豫章之役

清宵藜火動高城。海內皆聞劉更生。亂日愈難違世
法。故人今頗近時名。壯游未覺江湖遠。薄祿方知去
就輕。歲晏西山多雨雪。杜門誰見草玄成。

與君相憶盡他鄉。雁字飄搖關塞涼。遠道驅車百戰
後。清時揖客五侯傍。中原伏枕書難達。碣石談天夜
未央。秘閣猶傳地上法。莫將辭賦擬長楊。

雲母屏深堂更空。綈衣人靜漏聲中。未離碧樹初疑
月。欲近紅樓漸有風。永夜銀泥雙屐隔。曉寒玉砌一
簾通。頻移鵲尾冰絃冷。秉燭高林聽遠鴻。

臨春戶綺欲先裁。不夜珠懸漢帳猜。十斛玉塵呼雉
去。五銖仙帔道人來。簾垂銀榜高相映。戶遶石梁曉
未開。體弱自矜長袖舞。飄飄何用避風臺。

歲暮

孤城雪後曉烟新。歲晏蕭條寒水濱。踟躕兵戈多戰鬪，蹉跎湖海入風塵。粗求溫飽猶關世，偶解詩書豈累人。落魄壺觴扶短杖，尙餘五嶽意相親。

夜雪獨飲

浙浙虛窻曙色長，離披瘦竹不成行。涼侵青海雲爭下，夜對紅絃醉不妨。末世身名貧自保，短檠風雪病能狂。迢迢坐聽征鴻急，徙倚徒懷天一方。

迎春日大雪戲作俳體

歲暮雪下如亂巾，山城簫鼓迎芒神。欲隨青幟移尊出，共看綈衣炤水新。已見銀花燦吏杖，寧無素酒丹妓唇。老牛踏水渾能健，愁殺紅裙挑飯人。

除夜

彩燭凋盤散五辛，寒花長笛夜逡巡。風塵入鬢畏良友，離亂辭家負老親。寂寞才名官自拙，栖遲杯酒歲方新。短裘湖海猶堪傲，何用求憐鄉里人。

初春小集

積雪空林返炤微
山城寒笛雁初飛
南州道阻新征
檄北渚天寒舊釣磯
蚤歲學書心不好
清時憂亂事
多違田園自喜聞
情話扶醉東鄰
半夜歸
樓上遠望有作
雪含山氣炤城幽
林際新烟澹欲留
豈畏人知獨閉
戶耶因吾土自登
樓莫辭酒病支離
臥安得花時煨
爛游惆悵五湖波
似穀寧堪鄉思對
輕鷗

薄暮偶步城上

載酒憑高宿鳥來
遶城栢葉映清杯
登臨廣武英雄
歎携手河梁游子
哀雙雁北飛寒日
下衆峯西走片
雲開中原戎馬今
方急異域虛稱漢
使才

薄暮獨眺

豈因謝客掩蓬蒿
獨對青山引濁醪
夕炤自臨夾谷
靜歸雲暹倚岱宗
高未堪落落稱牛
走猶覺時時似
馬曹王粲依人游
不遠醉看秋水鷓
鴒刀

微雪

寒烟微雪晚林虛
耶復高歌臥敝廬
叔夜違時頻困
酒長鄉耽病未成書
開元風俗閑能憶
京洛交游遠
漸疎從此扁舟何所詣
故園烽火正躊躇
豈知大風示客時
予將南行
浮雲遙擁四山空
慘淡春寒萬里通
窮巷塵襟長者
轍孤城晝掩庶人風
腐儒報國惟行李
亂日辭家感
斷蓬何處危樓無
畫角憑欄天際羨
飛鴻

朴寔真切不同浮

囂

程